



OPĆINSKI NAČELNIK

MUNICIPALITY MAYOR

Broj: 05/2-11/3-996/26
Velika Kladuša, 11.06.2026. godine

Na osnovu člana 70. stav, člana 69. i člana 2. stav (1) tačka I) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku usluge – Izrada glavnih projekata zaštite od požara za 5 (pet) objekata, uključujući i njegovu reviziju, kao i izrada elaborata stručne ocjene iz oblasti zaštite na radu za 5 (pet) objekata kulturno historijskog nasljeđa na području općine Velika Kladuša (4 lota) a po preporuci Komisije za javne nabavke, Općinski načelnik Općine Velika Kladuša, donio je

ODLUKU

o dodjeli ugovora za LOT 1: Izrada glavnih projekata zaštite od požara za 5 (pet) objekata kulturno-historijskog nasljeđa na području općine Velika Kladuša

1. Prihvata se ponuda ponuđača „Granulo -RE“ d.o.o. Sarajevo, sa konačnom cijenom od 6.750,00 KM bez uračunatog PDV-a, dostavljena Ugovornom organu po JN broj: 299-1-2-44-3-84/26 od 13.05.2026. godine, te se Ugovor o javnoj nabavci usluge za LOT 1- Izrada glavnih projekata zaštite od požara za 5 (pet) objekata kulturno kulturno - historijskog nasljeđa na području općine Velika Kladuša, dodjeljuje imenovanom ponuđaču.
2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

Obrazloženje

Na osnovu Posebne odluke Općine Velika Kladuša broj: 05/2-11/3-996/26 od 13.05.2026. godine, pokrenut je dana 13.05.2026. godine postupak za javnu nabavku usluge – Izrada glavnih projekata zaštite od požara za 5 (pet) objekata, uključujući i njegovu reviziju, kao i izrada elaborata stručne ocjene iz oblasti zaštite na radu za 5 (pet) objekata kulturno historijskog nasljeđa na području općine Velika Kladuša (4 lota).

Javna nabavka provedena je putem otvorenog postupka za dostavljanje ponuda sa 4 lota, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24). Obavještenje o javnoj nabavci broj: 299-1-2-44-3-84/26 objavljeno je na Portalu javni nabavki (ejn.gov.ba), dana 13.05.2026. godine. Procijenjena vrijednost nabavke iznosi: 18.625,00 KM bez PDV-a, i to: LOT 1: 9.250,00 LOT 2: 5.000,00, LOT 3: 3.000,00, lot 4: 1.375,00 KM.

Krajnji rok za dostavljanje ponuda bio je 05.06.2026. godine do 14:00 sati, a javno otvaranje ponuda izvršeno je 05.06.2026. godine u 14:15 sati, što je konstatovano Zapisnikom sa otvaranja ponuda od 05.06.2026. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-996/26 od 05.06.2026. godine konstatovala je da je Tendersku dokumentaciju preuzelo 19 (devetnaest) ponuđača, a da su nakon isteka krajnjeg roka za dostavljanje ponuda za LOT 1: nabavka usluge - Izrada glavnih projekata zaštite od

požara za 5 (pet) objekata kulturno kulturno -historijskog nasljeđa na području općine Velika Kladuša, pristigle 3 (tri) ponude od strane ponuđača i to:

1. INSTITUT ZA GRAĐEVINARSTVO „IG“ BANJA LUKA d.o.o. Banja Luka, sa ponuđenom cijenom od 8.500,00 KM bez uračunatog PDV-a,
2. EUROING d.o.o. Bihać, sa ponuđenom cijenom od 7.700,00 KM bez uračunatog PDV-a,
3. Granulo -RE d.o.o. Sarajevo, sa ponuđenom cijenom od 6.750,00 KM bez uračunatog PDV-a,

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude ponuđača: INSTITUT ZA GRAĐEVINARSTVO „IG“ BANJA LUKA d.o.o. Banja Luka, EUROING d.o.o. Bihać, Granulo -RE d.o.o. Sarajevo ispunjavaju formalno-pravne i tehničke zahtjeve Ugovornog organa, te su kao takve prihvatljive.


U ovom postupku javne nabavke nije predviđena e-aukcija, jer se predmet nabavke odnosi na pružanje intelektualnih usluga, za koje provođenje e-aukcije nije primjenjivo u skladu sa Zakonom o javnim nabavkama.

Shodno utvrđenoj rang listi ponuđača, Komisija za javne nabavke u svom Izvještaju o radu Komisije u Zapisniku broj: 05/2-11/3-996/26 od 05.06.2026. godine daje Općinskom načelniku preporuku da donese Odluku o dodjeli ugovora za javnu nabavku usluge - Izrada glavnih projekata zaštite od požara za 5 (pet) objekata kulturno kulturno - historijskog nasljeđa na području općine Velika Kladuša, ponuđaču Granulo -RE d.o.o. Sarajevo, sa konačnom cijenom od 6.750,00 KM bez uračunatog PDV-a, kao najpovoljnijem ponuđaču, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i Općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.


UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:


Aida Čerimagić

Kontrolisao:

Pomoćnik Općinskog načelnika
za finansije, računovodstvo i
javne nabavke


Sebila Dervić Melkić

DOSTAVITI:

1. Učesnicima u postupku, 3x,
2. Služba za upravu, društvene djelatnosti i zajedničke poslove (web stranica),
3. U spis.

